

Lesona 1: Saunia mo ma le Taitaia o Fonotaga

E mafai ona e aoaoina leni lesona i lona atoatoa pe vaevae i ni vaega pupuu. Fetuunai le lesona i ou tulaga o le lotoifale ma manaoga, tausaga, ma malamalama o le au peresitene o lau korama po o le vasega.

UA VALAAULIA I TATOU E LE ALII IA FAATULAGA TATAU I TATOU LAVA.

Faitau le [Mataupu Faavae ma Feagaiga 88:119](#). Talanoaina pe faapefea ona faaoga le faatonuga a le Alii ia "faatulaga tatau outou lava" i fonotaga a le au peresitene a korama ma vasega. O a nisi o mea e mafai ona tatou faia e faatulaga tatau ai a tatou fonotaga?

O LE FUAFUAINA MO FONOTAGA E FESOASOANI IA I TATOU E FAATULAGA TATAU AI LE GALUEGA A LE ALII

Fesoasoani i le au peresitene o le korama po o le vasega e faatumu se [faaitaiga o mataupu o le fono](#) i le saunia mo le isi a latou fonotaga a le au peresitene. Mafaufau e talanoaina faatasi fesili nei:

- Aisea e taua ai le mafaufau i fesili faapena i le faaitaiga o mataupu o le fono?
- O a isi fonotaga po o gaoioiga e mafai ona tatou saunia i ai i leni auala?
- E mafai faapefea ona tatou valaaulia le Agaga Paia e fesoasoani ia i tatou ao tatou fuafuaina ma taitaia fonotaga? (Tagai i le [Moronae 6:9](#); [Mataupu Faavae ma Feagaiga 46:2](#).)

E mafai foi ona e valaaulia sui o le au peresitene e saunia se lisi o mataupu o le fono mo le isi fonotaga a le korama po o le vasega e mulimuli i le ootoga ua saunia i lesona taitasi i le [Sau Mulimuli Mai ia te Au—Mo Vasega a Korama o le Perisitua Arona ma Tamaitai Talavou](#). Valaaulia i latou e mafaufau i mea na latou talanoaina i la latou fonotaga a le au peresitene na e manaomia ona talanoaina faatasi ma sui o le korama ma le vasega. A lava le taimi, e mafai ona e valaaulia i latou e faaitaia le taitaiga o se fonotaga e faaoga ai se lisi o mataupu o le fono na latou saunia.

Mai i lea taimi i lea taimi, atonu e te manao e talanoaina lagona o sui o le au peresitene e uiga i se fonotaga. O se vaega o leni talanoaga, e mafai ona e fai atu fesili e pei o nei:

- Pe na ausia e le fonotaga mea na tatou fuafuaina?
- O le a se mea na tatou faia e valaaulia ai le Agaga i lena fonotaga? (Tagai i le [Mataupu Faavae ma Feagaiga 6:32](#).)
- Pe na tatou taumafai e faaauai tagata uma?
- E mafai faapefea ona tatou faaleleia?

PUNAOA LAGOLAGO

- *Tusitaulima Aoao: Auauna Atu i Le Ekalesia a Iesu Keriso o le Au Paia o Aso e Gata Ai*, [10.4](#), [11.3.4](#), [ChurchofJesusChrist.org](#)